



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

Leges & regulæ clericorum ac Sacerdotum,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

modus, ut quæ aliàs à summis Pontificibus, & à sacris Concilijs de Clericorum vita, honestate, cultu, doctrinaque retinenda: ac simul de luxu, comestrationibus, choreis, aleis, lusibus, ac quibuscunque criminibus, nec non secularibus negotiis fugiendis copiosè ac salubriter, sansita fuerunt, eadem in posterum iisdem pœnis, vel maioribus, arbitrio Ordinarij imponendis, observentur; nec appellatio executionem hanc, quæ ad morum correctionem pertinet, suspendat. Si qua verò exijs in desuetudinem abiisse compererint, ea quam primùm in usum revocari, & ab omnibus accuratè custodiri studeant, non obstantibus consuetudinibus quibuscunque, ne subditorum neglectæ emendationis ipsis condignas, Deo vindice, pœnas persolvant.

LEGES ET REGVLÆ CLERICORVM,
ac Sacerdotum.

I.

Sint Clerici memores perpetuò vocationis, qua eos Dominus dignatus

I 5

tus

rus est, eiusque quod scriptum est: *Sancti estote, quia ego Sanctus sum, nemini dantes ullam offensionem, ut non vituperetur ministerium, sed in omnibus exhibentes seipsum sicut Dei ministros. Levit. 11. g. 44. 2. Cor. 6. a. 3.*

II.

Coelestem in terris vitam, tanquam Angeli Dei, agant, expoliantes veterem hominem cum actibus suis, & novum induentes; quinimò sint electi Dei, sancti, & dilecti; viscera misericordiae, benignitatem, humilitatem, modestiam, patientiam induentes, sint prudentes, sed non apud semetipsos; supportantes invicem: non invicem provocantes: non invicem invidentes: subiecti invicem: non dominantes in clericis, sed charitate fraternitatis invicem diligentes, & honore invicem praevenientes: hospitales, invicem suscipientes, & justitiam induentes: si fieri potest cum omnibus hominibus pacem habentes: omnem ostendentes mansuetudinem ad omnes homines. *Ex Epist. S. Pauli Apost.*

III. Non

III.

Non huic sæculo, sed Pontificum sanctionibus, Oecumenicis Concil. Provincialibus, Diœcesanis Synodis sese conformantes, & adhærentes: Episcopis, alijsque Superioribus obedientiam & reverentiam exhibentes.

IV.

Sint spiritu ferventes, Domino fervientes, & orationi instantes, ut ambulent dignè: Deo per omnia placentes: in omni opere bono fructificantes, & crescentes in scientia Dei: & quæcunque sunt vera, quæcunq; amabilia quæcunque bonæ famæ, si qua virtus, si qua laus disciplinæ, hæc cogitent.

V.

Si sint in sacris, aut beneficiati, Horas Canonicas studiosè & devotè recitent: & psallant sapienter, & non fraudulentè. *Cap. Doctores. de celebr. Miss. & Pius V. in Bulla qua incipit. Ex proximo.*

San-
dan-
retur
s seip-
4. 2.

quam
s ve-
, &
electi
miseri-
atam,
s, sint
pos:
vicem
entes:
tes in
ris in-
vicem
m sus-
; si fie-
us pa-
dentes
es. Ex

I. Non

VI.

Coronam (quod insigne est Ordinis Clericalis) non maiorem, nec minorem, sed conspicuam, & pro ratione Ordinis quo singuli initiati fuerint, gerant.

VII.

Comam, & barbam ne studiosè nutriant, & in superiori labio (in Sacerdotibus præsertim) omninò rescindatur, ita ut appareat discrimen à sæcularibus: in rescendis, & mundandis unguibus pollicis & indicis Sacerdotes diligentiam adhibeant. *Cap. 4. de vita & hon. Cler. & cap. Cleric. 2. eodem.*

VIII.

Habitum gestent non exquisitum, fulgidum, aut speciosum nimis: rursus non sordidum, & neglectum, sed gravem, & talarem, & is tùm domitùm foris sit pro uniuscuiusque Ordinis, gradusque ratione: quem nunquam dimittant: neque parentum, aut propin-

quo

quorum mortem eum mutent : *Con-*
Concil. Trident. Sess. 23. c. 6. & Sess. 14. c. 6.
Six. V. in Bulla Cana.

IX.

Fugiant ornamentum novitatum, co-
lorisque varietatem, præsertim ru-
bei & viridis, sed nigro semper in exte-
rioribus, in interioribus verò similiter,
sive aliquo honesto colore utantur, nisi
dignitas colorem alium requirat. *Ex*
Syn. Pro S. Claroli. c. porrectum &c. ex parte
de Regul. & cap. ult. distinct. 41.

X.

Quando verò iter faciendum erit,
possunt uti habitu contractiori, sed
simplici, in quo semper honestas celri-
calis eluceat: veste virgata non utantur.
Synodus Prov. S. Car. de vita & honest. cler.
cap. 2.

XII.

Pileus in summitate non acutus in lon-
gitudine & latitudine & cingulo mo-
destus & sæcularibus dissimilis sit.

I 7

XII. Col.

XII.

Collare, quod dicunt, simplex, & modicè latum honestè recinetur: camifias ad collum, & ad manus crispas, & rugosas, artificio elaboratas, rejiciant.

XIII.

Turgidis & dislectis caligis non utantur: calceos & crepidas ad elegantiam ne incedant, torques & armillas, ac monialia respuant: item à sotalibus, consolitiis, frænis, sellis, pettoralibus, calcaribus deauratis abstineant.

XIV.

Annulum ne induant, nisi hi quibus propter officij munus aut honoris gradum, sit jure concessus: Eius verò locus in quarto digito dexteræ manus erit, *Cap. Clerici officia. de vita & honestate cler.*

XVI.

ET si Sacerdotes illum induant, in Missæ sacrificio eum deponant.

XVI. Ab

XVI.

AB omni splendido apparatu, luxu, fastu, pompaque sæculari abstinereant.

XVII.

ACrapula & ebrietas caveant, ne quisquam ad bibendum, & sumendos potus inæquales inciter offerens pocula maxima; parca & frugali mensa sint contenti, eamque præcedat benedictio, & intercedat sacra librorum lectio, & gratiarum actio absolvat. *Cap. Non liceat dist. 44. Cap. de vita & honest. cler.*

XVIII.

Supellectili etiam modesta, ac potius tenui utantur.

XIX.

CLericorum arma sunt orationes & lacrymæ: Idecirco arma ne ferant, nisi fortè extra civitatem, & in suspectis locis iter agendum sit, tunc impetratâ licentiâ uti liceat; & ne pugnent etiam in bello justo, nec sine percussores, accusatores, ac calumniatores.

fi

si : nec judicent in causa sanguinis. *Capite. 2. de vita & hon. cler. c. petitio de Hom. c. 5. ne cler vel mon.*

XX.

Personati ne incedant, nec nimis, jactulatoribus, histrionibus, fabulis, comædiis, hastiludiis, alijsve inanibus spectaculis, nec ubi sanguinis vindicta exercetur : nec improborum hominum conversationibus intersint, nisi eorum pia opera sint ibi necessaria : nec pro lationibus, & improbis hominibus apud Principem & Magistratum intercedant, sed apud Deum : pro iniuste autem oppressis, & calumniam patientibus, possunt, & debent apud utrumque intercedere. *Ca. Cler officio de vita & hon. cleric.*

XXI.

Nec sint aleatores, nec huiusmodi ludorum spectatores : ludus tamen honestus, & decorus, citraque scandalum, permittitur, non rursus lucri cupiditate, sed animi causâ. *Cap. 1. dist. 35.*

Nec

XXII.

Nihil autem scurriliter, nihil indecorè, nihil turpiter loquantur seipfos facientes ioculatores, goliardos, & buffones. *Cap. Clerici. de vita & bon. cler.*

XXIII.

Curiositatem, levitatem, adulationes, assentationes, maledicta, rixas, contumelias, iram, indignationem, malitiam, blasphemiam, turpem sermonem caveant.

XXIV.

Abstineant à clamosis venationibus, aucupis & choreis, nec licet alere canes, accipitres, falcones, & huiusmodi ad venandum, nisi recreationis causa tantum, & sine strepitu aliquando venari permittitur. *Cap. 1. & 2. de cler. ven. Concil. Trident. Sess. 24. c. 12.*

XXV.

Tabernas, & cauponas evitent, nisi necessitatis, & itineris causâ; tuncque

que honestè gradientur, modestè manent, & citò exeant: nec peregrinentur sine licentia: nec sine literis commendatitijs in ordine ministrent: nec nocturno tempore vagentur, sed in Ecclesijs proprijs sint assidui *Cap. 1. de eo. habit. Cler. & nul. &c. Clericus, de 81. c. 2. eod. tit. &c. unico, de voto in 6. de vit. & hon. cler.*

XXVI.

CUM mulieribus non cohabitent, excepta matre, amita, & sorore: immò neque cum his, si sint suspectæ: quia castitatem illibatam, & sine suspitione servare debent: qui in sacris constituti sunt.

XXVII.

MONASTERIA Monialium frequentare non præsumant nisi ex rationabili causâ: sæcularibus negotiis non se immisceant, mercaturam negotiatione & officia Vicecomitis, Tabellionis, carnificum, seu macellariorum, & tabernariorum, ne exercent: nec consulant, vel consentiant, vel dicant vel pro-

proferant sententiam sanguinis C. Mo-
nasteria c. secundum. Ne cler. vel mon. 6. 9.
eod.

XXVII.

ARs vero honesta quã ad victum
necessaria comparari possunt, ijs
permittitur. Clem. 2. de vit. & bon. cler.

XXIX.

ARtem medendi ne faciant, immò
Leges, & Medicinam ne audiant,
nec alta sapientes ad studium Philoso-
phiæ & poësis, ultra permissum tempus
incumbant, Cap. Cleric. officia, eod. tit. 6.
ult. ne cler. vel non.

XXX.

SEd quotidie aliquid ex facis Bibliis
& ex Sanctorum Patrum opusculis
Gregorij Magni, Augustini, Chry-
sostomi, Bernardi Cypriani, Con-
cilii Trident. Catechismi Rom. Ration.
Divin. off. & libros vitæ spiritualis, de
Sacramentis, ritus & caeremoniarum
Ecclesiæ, & Casuum conscientia, at-
tentè legant, Synod. Prov. S. Caroli.

XXXI.

XXXI.

Libros de rebus jocosis, ridiculis, obscœnis, & inanibus: picturas & imagines obscœnas procul abjiciant.

XXXII.

Otia perniciosa, & pigritiam fugientes modesto silentio studentes, accuratè videant, qua præparatione, qua devotione, qua reverentia, juxta ritus & rubricas divinum officium dicere, & Sacerdotes sæpè Missas celebrare: reliqui Clerici maximè qui in sacris sunt, faciant Eucharistiam sumere, & quomodo & quo habitu versari in Ecclesiis, in choro sacristia, quæ ibi præparanda, quæ faciendæ in mûnere suo, sive in maiore, sive in minore ordine, canere aut exercere debeant.

XXXIII.

Aliena prædia lucri causâ ne conducant, neve aliorum tutelam & curam suscipiant: curæ verò pauperum

rum,

rum, & miserabilium, præcipuè quæ adstricti sunt animarum curæ, sedulo invigilent attendentes sibi, & universo gregi; quem pascere debeant verbo & exemplo. *Cap. Pervenit. dist. 88. Synod. Provid. S. Car.*

XX XIV.

PRO alijs ne fideiubeant, nec in laicorum procuracione & famulatu sint, nisi impetratâ licentiâ: & si inde scandalum, & suspicio oriri potest, omninò abstineant nec sint parrini, nisi baptizantes. *Cap. Tum quidem 11. q. 1. Cap. pen. 2. q. 3.*

XXXV.

PRIVILEGIJS suis non renuntient: non enim possunt ijs renuntiare, cum sint in favorem status Clericalis, & non singularis personæ: quare in manibus laici jurare non possunt, nec se subdicere Iudici laico, nisi privilegium fori amiserint, vel licentiam habuerint. *Cap. Cum non ab homine, de Iud. Conc. Trid. Sess. 11. c. 2.*

XXXVI.

XXXVI.

Non alienent patrimonium, ad cuius titulum sunt ordinati, nisi impetratâ licentiâ. *Conc. Antioch cap. 25. c. Quisquis c. Sint manifesta, c. Episcopus, &c. Res Ecclesie, cum seqq. 12. q. 2.*

XXXVII.

Non incidant in beneficiorum pluralitatem, vel nundinationem prohibitam, vel redituum Ecclesiasticorum malam consummationem, immo proprio sufficienti patrimonio contenti sint ne propinquos dicent de bonis Ecclesie & patrimonio Christi, pauperum usibus destinatis & consecratis. *Can. Apost. 59. & 75. Conc. Trid. Sess. 25. de Reformatione. c. 1.*